

四庫全書

集部

欽定四庫全書

明詩綜卷八十二

翰林院檢討朱彝尊編

郭

愛

一首

愛字善理鳳陽人宣宗聞其才召至京病卒贈

國嬪

顧玄言云貴嬪事見淑秀集其自哀古體源出蔡文姬得性情之正

京邸病革自哀

脩短有數兮不足較也生而如夢兮死則覺也先吾親

而歸兮獨慚予之不孝也心悽悽而不能已兮是則可悼也

司綵王氏

一首

南海人宣德中女官

顧玄言云司綵宮詞道

靜志居詩話官官之設見于周官見于戴記漢魏置貴嬪淑儀修華修容修儀婕妤好容華充華此

妃淑媛淑儀修華修容修儀婕妤好容華充華此仿周官之九嬪也北史后妃傳有正華令則修

訓曜儀明淑芳華敬婉昭華光正昭寧貞範弘徽和德弘猷茂光明信靜訓曜德廣訓暉範敬

訓芳猷婉華明範艷儀暉則敬信此仿周官之二十七世婦也穆光茂德貞懿曜光貞凝光範

令儀內範穆閔婉德明婉豔婉妙範暉章敬茂
靜肅瓊章穆華慎儀妙儀明懿崇明麗則婉儀
彭媛修閒修靜弘慎豔光漪容徽淑秀儀芳婉
貞慎明豔真穆修範肅客茂儀英淑弘豔正信
凝婉英範懷慎修媛良則瑤章訓成潤儀寧訓
淑懿柔則穆儀修禮昭慎貞媛肅閔敬順柔華
昭順敬寧明訓弘儀崇敬修敬承閒昭容麗儀
閒華思柔媛光懷德良媛淑猗茂範良信豔華
徽娥肅儀妙則此仿周官之八十一御女也唐
宋以來參合損益不廢其名明初定設六局曰
尚宮尚儀尚服尚食尚寢尚功掌以宮正總六
局之事凡出納文籍皆印署之付內史監牒移
于外局有四司尚宮之屬有司紀司言司簿司
闡尚儀之屬有司籍司樂司賓司贊尚服之屬
有司贊司儀司仗司飾尚食之屬有司饌司醢
司樂司供尚寢之屬有司設司與司苑司燈尚

功之屬有司製司珍司綵司計司綵掌儲藏段
疋者也官設于洪武五年王氏家南海河南村
永樂二年選入宮命與權妃同輦辭曰妾嫠婦
也安敢充下陳哉帝重之許歸嗚呼開創之主
宮中府中設司分職各有典司后正位乎內夫
人嬀御文贊陰教居有保阿之訓動有環珮之
響內無出閫之言權無私溺之授法至善矣其
後宮官罷設奄寺乃得橫行王振汪直劉瑾惡
已貫盈至魏忠賢攬政昵一客氏深宮更無為
懿安皇后助者雖存女秀才女史官空名恒罰
提鈴警夜而宮官大抵皆為奄寺之菜戶矣外
而稅礦內而批紅監軍則養寇賊至則開門貽
禍之烈一至於此使女官儲章不廢裋衣褸翟
絳紗貂蟬雍雍肅肅何遽稱几千歲于大璫之
乎前

宮詞

璫花移入大明宮一樹凝

一作旌濃

香倚

一作韻

晚風贏得

君王留步輦玉簫吹徹月明中

詩話元制歲貢高麗貢美女故張光弼輦下曲
云宮衣新高麗樣方領過腰半臂裁連夜內

家爭借首為曾著過御前來楊庶夫元宮詞亦
云北幸和林幄殿寬句麗女侍婕妤官君王自

賦昭君曲勅賜琵琶馬上彈明初相沿未改此
孝陵有碩妃長陵有權妃也權為高麗光祿卿

永均之女善吹簫宮中爭效之寧獻王詩云宮
漏已沉參倒影美人猶自學吹簫王司綵亦云

羸得君王留步輦玉簫
曉月明中皆為權貴妃作

沈瓊蓮

七首

瓊蓮字瑩中烏程人弘治初選入掖庭官女學

士

詩話魏有女侍中晉有女尚書迄于唐宋若華姊妹五人皆善屬文昭義節度使李抱貞表薦于朝德宗召入宮試詩賦無問經史大義深加歎賞不以宮妾遇之呼為女學士貞元後宮中記注若華掌之繼而若昭若憲代司其籍烏程女子沈瑩中初入掖庭泰陵試以守宮論發題云甚矣秦之無道也宮豈必守哉泰陵大悅擢居第一給事禁中授女學士吳興人至今呼為女閣老瑩中在大內暇飼白鸚鵡教之誦尚書無逸篇此宜載之管彤者也

寄兄

疎明星斗夜闌珊玉貌花容列女官風遞一作度鳳皇天

樂近雪殘

一作晴

鳩鵲曉樓寒昭儀引駕臨丹宸尚寢熏

鑪熱紫檀肅肅六宮懸象魏春風前殿想鳴鑾

送弟溥試春官

少小離家侍禁闈人間天上兩依稀朝迎鳳輦趨青瑣
夕捧鸞書入紫微銀燭燒殘空有夢玉釵敲斷未成歸
年年望汝登金籍同補山龍上衮衣

宮詞

五首

翠絲蟠袖紫羅襦
偷把黃金小帶輸
中使傳宣光祿宴
內家學士出新除

青霧濛濛罩碧牕
青燈的的燦銀缸
內人何處教吹管
驚起庭前鶴一雙

豆蔻花封小字緘
寄聲千里落雲帆
一春從不尋芳去
高疊香羅舊賜衫

天子龍樓瞥見妝
芙蓉團殿試羅裳
水風涼好朝西坐

專把書經教小王

明牕斐几淨爐熏閒閱仙書小篆文畫永簾垂春寂寂

碧桃花映石榴裙

范氏

一首

清江人

新一云
新塗

樽孫女早寡選入禁中偶題畫寄

意高后見之封為夫人遣還鄉

詩話明初識字婦女得舉女秀才入尚功局萬
載縣志載縣民赦用敬妻易淵碧洪武二十六
年舉女秀才以疾還鄉又中都左衛千戶陳泰
園妻龍玉英孀居亦舉女秀才洪熙元年封大

樂賢母范氏
始其選也

題老嫗騎牛吹笛圖

玉環賜死馬嵬坡出塞昭君怨更多爭似阿漣牛背穩
笛中吹出太平歌

曹靜照

六首

靜照字月士宛平人泰昌元年選良家女入宮
李自成犯闕隨內監劉至南京開剝為尼

宮詞

六首

到面東風只自知燕花牌子手中持
椒房領得金龍紙
勅寫先皇御製詩

一樹寒花冒雪開幽香寂寂映樓臺
女官爭簇傳呼近
知是鸞宮選侍來

寶妝雲髻顰金衣嬌小丰姿傍玉扉
新入未諳宮禁事
低頭先拜段純妃

口勅傳宣幸玉熙樂工先候九龍池
裝成傀儡新番獻
盡日開簾看水嬉

閱遍司農水旱書君王減膳復齋居御廚阿監新承旨
明日羹湯不進魚

儉德慈恩上古稀他方織錦盡停機赭黃御服重經澣
內直才人著布衣

詩話諸詩見紅蕉集其云泰昌元年選良家入
宮按慶陵在位祇一月實錄所載禮儀房長隨
董國用將宮女趙永祿等八口發其親戚領去
於時魏給事應嘉疏言怨女出宮古來盛德之
事自穆廟至先帝兩朝凡五十餘年矣其間侍
從宮人空閒無職何啻千萬數人情垂老倍思
其卿即此一事不必問有例無例慨然獨斷施
行則仁慈無極言雖未見行然不聞有選良家

女子之事當再
考之故老野史

宋蕙湘

一首

蕙湘南京宮女年十四遭掠

題汲縣壁

風動江空鼓鼓催降旗
颺颺鳳城開將軍戰死君王繫
薄命紅顏馬上來

明詩綜卷八十二

欽定四庫全書

明詩綜卷八十三

翰林院檢討朱彝尊編

秦藩二人

朱敬錮 一首

敬錮字李量秦愍王桖八世孫有自吟亭詩草

靜志居詩話李量詩太淺率曩富平李孔德曾
以秦藩二詩集見貽久乃失去不復再覩當更
訪之

江邨雨夜

驟雨連山黑
荒邨夜色侵
瀟瀟霑暗壁
颯颯動秋林
江鴈濕難度
草蟲寒更吟
愁人當此夕
寂寞倍關心

朱誼斗

四首

誼斗字子斗
秦愍王九世孫
有集

詩話子斗才情橫溢極為富平李孔德所稱覽其祀竈千一百二十字雖未悉工而浩瀚不可及也

雜詩

歌器不受盈素籥出以虛持是律吾躬可以例卷舒澡
髮奉嚴訓兼受詩與書砥礪慎立節鄉里流歎譽世變
觸駭浪時窮遁荒墟昔為桂與蘭今為櫟與樗昔出擁
高蓋今行無柴車舊交零落盡羸老隨樵漁里正肆搜
括唾面不敢除內省雖不疚旁觀嗤賤愚惓焉顧墳墓
不忍捐此軀強顏留續息不絕將焉如

冬日開元寺訪子新茂之不遇

世變僧猶在城崩寺尚存終傷游客少益信法王尊欲

雪天垂暮重霾地轉昏無緣逢二妙惆恍返荒邨

祀竈詩

旅食隨遷次僑居傍酒壚饗飧資釜甑炊爨立庖厨曲
突焦埃墨橫牕黥垢污水妃臨正位火德稟神符五祀
由三代諸卿暨大夫精禋煩祝史側媚矧亡俘臘月驚
春早溫風感歲徂幸存恒跼蹐申禱敢踟躕汎埽勞箕
帚香燈照墜塗主人虔跪拜子姓儼奔趨白犢何年有
黃羊此地無豚肩虧博碩菟醢潤彫枯奠薦先陞竈尊

崇復奧隅硬錫黏簠簋瑣果罍盤盂裸地宜如在登天
諒不誣赫煙騰阜蓋烈燄走駢駒謁帝攀金陛朝元集
絳都奏章通太乙闕請浼靈巫昭格惟聲響微情竊覬
覷干戈逢喪亂墳墓幾榛蕪樵采悲翁仲椎埋泣湛盧
孫階駟稚犬子舍保童烏日日牀邊筆年年戶左弧空
齋留破硯寒食酌芳壺別有深祈願因之切歎吁壹戎
初底定百揆待匡扶庶窳窳台鼎將軍繼鼓枹武功勤
遠略文教未全敷偽俗澆淳朴訛言扭誑諛閭閻驅罔

象闌闌竄於菟怪蝎歎水過妖蛟挾浪鹿颺颺來廣漠
電雨墊平塗麥豆餘萁蔓樓臺毀墁巧劇聞填涯瀟幸
不到江湖嶺嶠雖枝葉邦畿實榦株北辰當紫禁南極
邈蒼梧鄭使終歸晉山公豈患吳城階聞羽籥府藏朽
彤弧持戟頻逃伍探丸賸有徒殘邨憑賂免完堡受兵
屠城郭稀鳶鵲郊垌沸蟋蟀風黃馳響馬月黑嘯封狐
濟濟寧多士盈盈燦麗姝巧環垂項領韞帽綴琬瑜章
句深穿鑿衣裳侈僭踰彩毫矜不律繡袪歷諸于廢壘

招屯種新畬怕責租瘡痍蕪梯稗脂髓怯鎗銖隱沒棲
丘貉飄颻泛水鳧市魁爭狡獪里正肆柳榆是事誰為
宰斯民望愈孤中央甦混沌倏忽謝鑽剝號慟投鋌斷
神通返體膚至仁迴浩蕩大智用模糊輿蓋還高下圓
方脩楷模一元調玉燭七政順璇樞化育殷亭毒彤生
盡息蘇真官辭旭殿恩詔下雲衢黃雀酬陰隙金雞宥
罪辜八風推鉅鞬二氣湊鈞爐民物更鎔鑄人才誕聖
儒九重陪舜禹六合際唐虞勲伐追伊傅文章襲典謨

經綸恢寓縣禮樂耀寰區
簾業銷鋒鏑蒙幢洗舳艫
匪瀛躬稼穡率土罷征輸
雪夜輕收蔡炎荒薄渡瀘
蕭牆安鄴卽社稷定顓臾
比屋擔珪組吞舟決網衆
吳禽歸翡翠越樹却珊瑚
嘉運爭寧謐彝倫罔數渝
孔懷諧伯仲好合共妻孥
朋類堅膠膝姻聯託柿柎
過庭承對問八里應歌呼
機杼家家錦耜耨處處珠
醴移甘井水飴變苦原茶
綠濺沉浮蟻青乾子母蛻
中州囚獬豸北海放駒駝
驚驚重銜錄龜龍再啓圖
君臣交警戒朝野洽

歡娛果帛蕪頌賚鍾鏞畢賜酺千秋亨大有萬國信中
孚嫠婦憂忘緯終軍慨棄繻請纓傷耆老攬鏡媿眉鬚
不忍懷迷寶深愁廁濫竽向空書咄咄凌險視瞿瞿蓬
堵慚今我瓜田守故吾無能安硯礫何計出崎嶇司命
如瞪目迷魂似隕軀依稀聞咐囑叱吒戒誇訐忌諱時
難觸嫌疑世所拘挈併他自哲躍冶爾何愚足繭防蹉
跌胥緘慎囁嚅耐寒饒契闊獻歲在斯須更始邀光寵
維新就快愉權宜綏福履次第啐屠蘇涸轍照窮餉歆

巢哺好雛探環驚了了啼牖聽呱呱華表晨歸鶴松門
夜訴語漸添丁熾盛全減涕沾濡道苑行舒轡詞場且
弄觚晤談來勝侶傲睨狂奴譽聞身文繡哦吟口泰
島但拚佳興致莫恨久衰癯恍若施鍼石幡然已痛痛
引吭餐沆瀣透頂灌醍醐泛澤開融面陽林坼凍趺鶯
花催爛漫紅紫雜縈紆哀樂情非異飛潛迹固殊密雲
懸沛澤其雨斷斜晡霜戟休酣戰曦車弭迅驅會留三
舍景末照及桑榆

題旅舍

空有千金意難酬一飯恩再來逢漂母不復念王孫

周藩

五人

朱安沅

二首

安沅周定王櫛玄孫

夏夜寄懷謝山人時客汾陽

良夜孤清賞懷君倍黯然客星一以別明月幾回圓紫塞雲邊樹青山雨後天相思何處寫隨意有冰絃

送李子和山人遊西蜀

諭蜀文誰著風流漢長卿欲投巴子國定向錦官城羸馬衝山色哀猿雜樹聲武侯遺廟在瞻謁重含情

朱睦㮮

三首

睦㮮字灌甫號西亭周定王六世孫萬厯初舉

宗正有陂上集

詩話西亭以好客聞藏書為海內第一世所傳萬卷堂書目不列卷數撰人非故籍也予家藏有聚樂堂藝文志四冊俱詳列卷數撰人係陂上鈔本彙孫侍郎耳伯蒞任祥符從西亭子竹

居交契借鈔經解頗多今
其撰述十存一二而已

送舜符

疇昔慕游遨與君數朝夕稍申初服懷共結沉冥跡促
膝究微言披情閱仙籍盼昧恣丘樊留連眷泉石星霜
歛云變婉變成離析撫景念夙懼卽事興今戚末路誰
能同素心不可易淒淒冬日黃渺渺寒流碧暫舍故園
林遠適京華陌時有北風來因聲慰岑寂

送鄭處士信之還歙因憶同游諸君子

同調日云稀
憐君復遠違
青山雙屐在
白首一帆歸
野燒浮殘雨
寒林散夕暉
因茲憶疇昔
相對各沾衣

荅田六深甫鄭二信之過陂上

豈是譚經所
真成載酒廬
竹停仙客騎
花翳孝廉車
秉燭驚山鳥
調琴出浦魚
悠然對孤嶼
宛在水中居

朱睦橫一首

睦橫字仁菴
周定王六世孫
輔國中尉
其子勤
北輯其詩及已作下及孫朝瑱題曰三業集

送春

風吹飛絮點池蘋
無那傷春又送春
試上驛樓高處望
落花無主更愁人

朱勤乇

二首

勤乇號南渚睦橫子封奉國將軍

學仙

學仙貴養氣舉世少其真
放之彌六合返則在吾身
日月卒有毀藥石寧足珍
非吾好妖妄但為知者陳
巖穴

亦多誤不獨朝市人

朱仙鎮岳王祠

未遂黃龍飲金牌止渡河艱難終奉詔痛哭乃迴戈三
字翻成獄千秋尚輓歌不知廊廟計何苦但求和

朱朝瑑 一首

朝瑑字汝升號崇岡勤乚子

郊居雜興

杏花漠漠柳參參路出隋隄十里南一夜水深三十尺

朝來網罟集深潭

齊藩 二人

朱慶槩 一首

慶槩字仲望高皇帝第七子禔封于齊建文元年廢為庶人永樂初復封四年奪爵安置廬州

子孫俱為庶人散居南京慶槩有穉冠集

王元美云

王孫詩能直寫胸臆
不剽襲人自合古轍

秋日送李文仲訪友新安

金匱要略卷之三
卷八十三
正值悲搖落，那堪送客舟。
白雲江上晚，紅樹驛邊秋。
細雨潤琴幔，涼風添酒籌。
逢迎有知己，暇日即登樓。

朱承綵一首

承綵字國華，齊王孫。

送茅平仲

置酒長干路，談深夜未闌。
山川牽恨遠，風雨逼年殘。
天迴孤帆沒，江空獨雁寒。
從茲君別去，月共幾時看。

魯藩二人

朱觀燭 二首

觀燭字中立鉅野僖順王玄孫封鎮國中尉有

濟美堂稟

詩話中立好為詩雖格調卑卑亦復自
喜嘗輯山東諸家詩曰海岳靈秀集

趙康王哀詞

帝子東平侶浮名夢已殘叢臺春色冷澠水舊盟寒客
散誰彈劍花飛自繞闌茫茫天地外何處駕青鸞

送毛教授還山

未老思投老欲歸便得歸
緇塵今漸遠不上芰荷衣

朱頤琢
四首

頤琢魯荒王檀七世孫封鎮國中尉

登兗州城樓

步上西城樓北望傷我心
秋風吹大陸落日薊門陰
玄霜被寒渚白鴈號中林
孤飛何栖止嗷嗷悲不禁
怵惕結心曲歸寓丘中琴
朱絃感人意悽然發哀音
中夜不能寐撫桐動沉吟

寄懷邢子愿侍御

相憶未相識，高名空復聞。
時因薊北鴈，一望濟南雲。
謝傳青山屐，羊欣白練裙。
風流誰可再，千載獨夫君。

賦得為我彈鳴琴贈王生

憐君多雅調，為我彈鳴琴。
曠矣丘中賞，兼之物外心。
夜深深山鬼，泣江淨水龍。
吟曲罷無人，解松風披素襟。

蟋蟀

蟋蟀關何事，哀音入夜偏。
寥寥開永漏，切切亂鳴絃。
乍

逐微風斷還從踈雨連閨中有思婦怪爾不成眠

遼藩一人

朱術均一首

術均字均焉簡王植七世孫輔國中尉換授鎮

江通判遷戶部主事有纂組堂集

詩話明初舊典宗室子不與內外銓除後因御史李日宣等所請援祖訓換授之法言皇族宜通仕籍得旨先行寧王孫子斗詩云爵人本至公立法無頗偏大訓手自訂百度何森然郡王有孫子所司驗才賢換授準任用升轉遵常銓諒哉二柱史抗章排拘攣先帝展科目今皇命

試官椅桐委斷壑被以朱絲絃蒯騶在外厩策
以珊瑚鞭蓋紀其事也天啟辛酉晉藩慶成溫
穆王表桐之曾孫慎鑒始舉辛酉山西鄉試明
年壬戌賜同進士出身除中書科中書舍人歷
精膳主事至崇禎戊辰寧藩瑞昌王孫統鉅由
進士改庶吉士累官南國子祭酒自後甲戌則
蜀藩奉鈔寧藩統鉅統鉅謀埒子也丁丑則寧藩
統鎖統鐸庚辰則周藩朝壘在鄧寧藩統鉅癸
未則代藩鼎安廷壻寧藩統鉅議汴皆以宗支
取甲科而均焉得投鎮江通判其官戶部陝西
司主事曾召對平臺奏請仍設漕運總兵而思
陵不允也後賊既陷秦廷臣有撤寧遠守關門
之議思陵心動以問羣臣吳太常麟徵昌言撤
之便而輔臣陳演力持不可而止使關門有備
而漕運有兵互相聲援何至巨寇如入無人之
境哉然則均焉所對亦曲突徙薪之一策也均

焉詩多至數千首率爾而成不費持擇元夕詞
結句與白傅歌舞屏風花障上幾時曾畫白頭

人同一
懷已

元夕詞

春風如箭月如梭良夜匆匆瞥眼過聽到衆中喧笑處
老年人少少年多

寧藩

七人

朱多燼

二首

多燼字宗良寧獻王六世孫封鎮國中尉有朱

宗良集

詩話宗良佳句頗多如關山曉月趨三輔鴻雁
秋霜度九河太室出雲來苑裏黃河如帶挂城
頭路經軒后臨戎坂山接高歡
避暑宮格調高華惜全詩未見

雨

觸石陰霞北嶺遙
逗風寒雨入簷飄
天涯故舊惟孤枕
篋裡衣裳祇敝貂
綻雪蘆花紛歷歷
經霜楓葉莽蕭蕭
還應撼郭濤聲急
只怪空江上夜潮

塞下曲

平明飛騎扣關門漢將新收吐谷渾從此天山傳白羽
不教公主嫁烏孫

朱多炆八首

多炆字貞吉寧獻王六世孫封奉國將軍卒後
私謚曰清敏先生有勸游豪

詩話貞吉與從兄多炆用晦並有詩名用晦與
金德甫交契王元美入之續五子之列然其詩
無足觀不若貞吉之有爽氣也貞吉好游變姓
名為來相如蹤跡遍吳越間其子謀墀亦效之
變姓名曰來覲字子魚出游吳楚有集行世臨
川湯若士為之序所傳溪樓連夜雪山縣隔年

春其警
句也

送蔡氏

為別既不易贈言良獨難
小人各自媚君子乃憂歎
投漆必以膠合椒必以蘭
子其寧爾心失意古所安

十四夜玩月

玉繩界西陸澄空淨如澣
庭柯泣零露早見圓景滿
悄焉增永懷頓令衣帶緩
四氣無終極人生一何短
心悲雍門操淚隕山陽管
但謝子山丘悽其我華館
臨觴慘

不怡憂來莫能款

龍沙

龍沙駐蹕地皇祖紀南征草昧君臣定壺漿父老迎平
臨章貢水遠視灌嬰城今古雄圖在低徊落照明

對雨

苦雨何曾歇愁陰暗不開春寒緱氏嶺雲暮楚王臺戲
水飢鳬過寨簾濕燕來靜看雙屐齒無事長莓苔

別胡雲從

故侶三年隔離懷一醉銷烟花桃葉渡春草豫章橋末
路難為別名山許見招天涯惟有夢相逐往來潮

張叙甫園中牡丹作千花賦此賞之

暮春之初天氣新日日銜杯誰主賓石家錦幃四十里
漢闕粉黛三千人清絲急管巧相聒伏雨闌風橫見陳
繁華狼藉且如此不醉恐礙花神嗔

寄黎君寔司訓

君才不薄廣文官依舊青氈一片寒家近郵筒傳自數

地偏書籍借應難懷人夜雨蘼蕪草留客春風苜蓿盤
聞道出游堪累月祇餘山色滿吟鞍

泊長蕩

蘼蕪一望暮蒼蒼長蕩湖頭烟水長怪道今朝楓葉盡
夜來七十二橋霜

朱多燠一首

多燠字知白寧惠王第四子石城恭靖王莫堵
之玄孫

詩話南昌郭外有龍光寺萬歷乙卯二月豫章
詩人結社于斯宗子與者十人知白之外則宜
春王孫謀劉文翰瑞昌王孫謀雅彥叔石城王
孫謀埤鬱儀謀圭禹錫謀珩誠父謀塹藩甫謀
堡辟疆建安王孫謀穀更生謀堃禹卿謀劉緝
其詩曰龍光社草郡人都察院右都御史掌工
部尚書事徐作汝念邢部
主事張壽朋冲猷序之

秋日社集

躡步出郭門涼沙朗朝日迤邐入叢林花宮眩丹漆魏
巍豫章臺萬木四排比

音必從白香山讀

高譙集友于討論及

刊述清風吹素襟古調和瑤瑟會心豈在遠快意亦多

術遙睇天際帆翩翩若風乙

朱謀瑋

四首

謀瑋字鬱儀寧獻王七世孫以中尉攝石城王

府事既卒豫章士人私謚貞靜先生有枳園近

豪

雷元亮云鬱儀古體出入漢晉溫厚典則近體頡頏初盛高渾雄麗而又弘之以典籍參

之以多聞
之以名家

楊計部曙宇載商甕漢壺千里相餉短篇志謝

古陶出古丘闕深容斗許駁葦繡土花不知幾寒暑使

君河北來載以入東楚欣然脫相贈何異獲鐘呂謂予
古人風因之代縞紵豈無珠玉珍雅志非其所摩挲三
歎息高誼誰當侶寘彼圖史間春秋惟爾汝

送黃貞父入覲

脂車秣良馬^四冠蓋如雲浮駕言趨上京述職遵諸侯王
事既有程肅肅塗路修及茲正元初奉璋覲宸旒君抱
廊廟資高視徧九州出蕪卓魯聲入與夔龍游翔螭作
時雨膏澤布陵丘壇石百里城豈足長淹留揆予慕高

義夢想託綢繆賦詩申素衷
踽踖翰墨儔清風播蘭茝
令德樹千秋願崇華岱尊黃髮長優游

送姚龍文還永嘉

百卉懷芬芳當春欣所觀
時風和且柔好鳥鳴其間
萬彙何熙熙我思獨盤桓
良友當遠別惜此會面難
握手臨郊衢一往莫可攀
願得少須臾言笑暫為歡
毋金玉爾音慰我違暮顏

燕至

芳草無數綠雜花相間紅誰將雙燕至一一舞春風

朱謀晉 五首

謀晉字康侯更字公退寧獻王七世孫有羔鴈

淹留蕪城中車四集

姚園客云康侯詩如雨斷山青霞催月出清冷之中

每成豔句又云南昌王孫多稱詩而康侯拔出

客秦郵呈別閭使臣

淮田三歲潦民已半為魚日下司農檄星馳使者車市

煙初寂寂鄉夢亦遽遽刺史今元結瘡痍可漸舒

甲寅春日江邨即事 三首

水市沙墟地更偏，卑棲無用買山錢。
荒厨慣乞漁家火，行李時登估客船。
鐵柱江聲連野郭，香爐雲氣隔湖天。
游蹤到處堪經月，豈待男婚女嫁年。

綠水園亭白版扉，輪蹄出郭到應稀。
江雷乍殷龍兒長，社日初晴燕子飛。
飯熟東田觀午饁，酒香西舍典春衣。
長堤何處無芳草，莫怨山中客未歸。

江村負郭坂田多，田舍風光草樹和。
孤鳥立殘牛背雨，

小魚吹散鴨頭波。買山忽被高僧笑。擊壤閒聽老父歌。
猶幸代耕餘薄祿。門無胥吏夜催科。

寄賀文湛持入東閣

焚魚學士最清華。五世承恩太史家。歸沐不言溫室樹。
入朝時草內廷麻。吳中舊宅卑依市。都下新堤淺築沙。
儻為故人炊脫粟。青門來種邵平瓜。

朱謀塈一首

謀塈字藩甫。寧藩石城王孫。

九日誠甫宗侯招登明遠樓讌集分韻得無字

有約登高興不殊
天涯朋好接歡娛
寒生南浦楓初落
秋入東籬菊尚無
詩派西江存大雅
賓筵左顧敕中厨
風前剩有參軍帽
醉後終須倩客扶

朱謀圭

一首

謀圭字禹錫石城王孫

秋日龍沙社集

結馬城外游春此
郊原靜峙嶇陟龍
沙悠然見西嶺風

日暢幽懷烟光澹雲影松門初地開清磬出禪境黃菊
籬下繁紅芙蓉木末冷心目既雙清和歌答佳景擾擾塵
壒中真樂誰其領

潘藩

六人

朱恬爍

一首

恬爍號振菴沁水莊和王仲子封鎮國將軍

李時

遠云振菴詩圓

熟動合矩矱

詩話振菴五言入格如雲迎芝蓋轉花傍藥欄
開寒葉飛官路霜風滿驛樓香雲飛貝葉法雨

下天花不失
為初唐人語

送吳平川判府致政歸桐城

歸路東風晚，悽心向夕煙。
青山相送日，白首倦游年。
人渡春江上，帆飛暮雨前。
知君投老去，生事在林泉。

朱恬烱 一首

恬烱號達菴，沁水莊和王叔子封鎮國將軍有

達菴集

李時遠云達菴古詩近
選近體有韋柳風致

感遇

候蟲鳴虛堂明月照高樹佳人
不我過相思隔雲路人
生無百齡奄忽若朝露努力求功名
名成髮已素窮通
各有時達人守天賦

朱瑄留一首

瑄留字純甫恬燥子封輔國將軍有玉田集

李時

遠云玉田近
體爽朗臻奇

長信怨

永巷風偏入深宮月易斜空牀愁獨守中夜起長嗟託

意題團扇驚心見落花思君情不極惆悵減容華

朱垚圻一首

垚字崇甫恬爍子封輔國將軍有玉澗集

李時

遠云玉澗諸體皆備
簡遠華麗兼而有之

芳樹

嘉樹畫芳菲重重在春苑風來翠幄褰日映朱簾卷嫩
萼正葳蕤柔枝亦繾綣不惜與君攀無令歲華晚

朱垚圻一首

程圻字京甫恬婉子封輔國將軍有玉林集

再逢友人

道遠頻馳夢情深祇寄書相逢俱淚下翻似別離初

朱效錫一首

效錫字馴甫封奉國將軍有壺峰集

夏日讌伯王園

避暑梁王苑樓深翠竹間風生三徑爽日映八牕關作賦依芳沼開尊對遠山中林容小阮醉後未言還

唐藩二人

朱碩勳二首

碩勳字孔炎唐定王桎五世孫封鎮國中尉有

南陽集

詩話南陽公子博雅工文
所為詩頗饒錢劉風致

送王山人游楚

門前楊柳樹風亂麴塵絲日暮臨溪別春帆適楚時人
烟揚子渡山木偃王祠處處生芳草悠悠千里思

邵山人子俊見過話游梁事

有客擔簦過草堂一尊風雨話游梁
鴈池寂寞芙蓉冷
逢著行人說孝王

朱器封一首

器封字子厚碩燠子有巢園集

詩話子厚入弇州四十
子之列而集不見傳

游仙

劉安守天廁彼乃赤帝精
左右在帝側翱翔排玉京
白

雲蔽丹巘五鳳啾啾鳴石階秀朱草餌之可長生舉手
謝人世爾曹等蒼蠅

益藩

一人

朱常注

一首

常注字幼良益端王四世孫

古怨

妾思亂如絲纏綿無斷絕難將摻摻手解得心中結

明詩綜卷八十三

欽定四庫全書

明詩綜卷八十四

翰林院檢討朱彝尊編

靜志居詩話婦人詩集始於顏竣殷淳爰有徐
陵李康成玉臺之編蔡省風瑤池之詠代加甄
綜韋穀才調集輯閨秀一卷宋元以降選家類
不見遺明則鄴墟之彤管遺編張之象之彤管
新編田藝衡之詩女史劉之汾之翠樓集俞憲
之淑秀集周履靖之宮閨詩選鄭琰之名媛彙
編梅鼎祚之女士集青泥蓮花記姚旅之露書
潘之恒之亘史趙問奇之古今女史无名子池
上客之名媛璣囊竹浦蘇氏之懸脂璣蘭陵鄒
氏之紅蕉集江邦申之玉臺文苑方維儀之宮

閨詩史沈宜脩之伊人思季嫺之閨秀集其文亦云富矣然青黃雜揉真膺交錯近濟南王考功士祿悉從考正為然脂集發凡起例有要有倫而予斯編亦稍糾羣書之紕繆焉

郭貞順 一首

貞順潮陽周伯玉妻明初師下嶺南指揮俞良輔征諸寨之未服者貞順從伯玉居溪頭寨作詩上之良輔覽詩大喜一寨得全

上俞將軍

將軍開國之武臣早附鳳翼攀龍鱗烟雲慘淡遍九野

半夜捧出扶桑輪前年引兵下南粵眼底羣雄盡流血
馬蹄帶得淮河冰灑向江南作晴雪潮陽僻在南海濱
十載不斷干戈塵客星移處萬里外天子亦念遐方民
將軍高名邁千古五千健兒猛如虎輕裘緩轡踏地來
不減襄陽晉羊祜此時特奉明主恩金印斗大龜龍文
大開藩衛制方面期以忠義酬明君宣威布德民大悅
把菜一笠誰敢奪黃犢春耕萬隴雲麓龍夜卧千秋月
去歲壺陽戍守時下車愛民如愛兒壺山蒼蒼壺水碧

父老至今歌詠之欲為將軍紀勲績天家自有如椽筆
願屬壺民歌太平磨崖勒盡韓山石

張紅橋 一首

紅橋閩縣人膳部林鴻外室

遺林鴻

一南一北似飄蓬妾意君心恨不同他日歸來也無益
夜臺應少繫書鴻

田娟娟 一首

娟娟工部郎木涇元經之室

慰元經

碧玉杯中琥珀光
燈前把勸阮家郎
不須苦憶人間世
萬樹桃花即故鄉

孟淑卿一首

淑卿蘇州人訓導孟澄之女自號荆山居士

徐昌

穀云淑卿詩零落已多其傳者直欲與文姬羽
仙輩爭長顧玄言云荆山居士之論謂作詩
貴脫凡化質閨人不可有鉛粉
氣覽其詩果然魚玄機之亞也

題畫

鎖樹盤雲上溪迴路轉斜晚來烟靄合何處問山家

陳懿德

一首

懿德長興人移居仁和南康知府陳敏政之女

嫁同縣李昂

景泰甲戌進士

官至右副都御史

顧玄言云夫人

詩集頗富句如深院雪消芳草綠小園風過落梅多情致幽絕足為女郎之秀

閩山道中

行盡山蹊路渺茫幾家茅屋對斜陽引泉竹溜穿厨入

墮粉松花遶舍香
蕉徑無人閒卧犢
石田初雨漸分秧
平生頗有山林癖
欲向溪邊結草堂

朱妙端

四首

妙端字仲嫻號靜菴海寧人尚寶卿朱祚女光

澤教諭周濟妻有靜菴集

顧玄言云靜菴離落見梅詩可憐不遇知

音賞零落殘香對野人或譏其以所配非偶形諸吟詠予讀其鶴賦云何美人之見獲遂羈絡于軒墀蒙主人之過愛聊隱迹而棲遲斯可謂怨而不怒矣咏虞姬云貞魂化作原頭草不遂東風入漢郊何其詞義之烈烈也

詩話靜菴詩頗流麗于歸之後移家海鹽故淑秀集明詩粹明詩妙絕俱作海鹽人

白紵詞

西風蕭蕭天雨霜
館娃宮深更漏長
銀臺絳蠟何煌煌
笙歌勸酒催華觴
美人起舞雪滿堂
清歌宛轉飛雕梁

君王沉醉樂未央
臺前月落天蒼蒼

方雅儀云雖乏新奇而句句鏗鏘

客中偶成

異鄉久為客
風雨阻歸程
兩岸數峯碧
孤舟一羽輕
蓬牕殘燭在
烟樹早鴉鳴
坐待東方曙
依稀見海城

周青士云

極似郭良
曉行之作

竹枝詞

二首

西子湖頭賣酒家
春風搖曳酒旗斜
行人沽酒唱歌去
踏碎滿隄山杏花

橫塘秋老藕花殘
兩兩吳姬蕩槳還
驚起鴛鴦不成浴
翩翩飛過白蘋灘

馮銀一首

銀字汝白瓊山人
教諭源之女歸同邑唐繼祖

有孝行

詩話汝白讀顏子簞瓢陋巷舍書起而作曰吾雖居陋巷朝焉命僕以耕則有餘食矣暮焉督婢而織則有餘衣矣暇與子觀書則有餘樂矣吾其與顏氏之子同儔哉臨高王同知佐為志其墓稱其幾于知道云

暮春

綠暗紅稀春已深
嬾聽杜宇喚歸音
凋榮何限人間事
獨倚蓬牕數過禽

鄒賽貞

一首

賽貞當塗人贈監察御史謙之女翰林編脩濮

韶之母封孺人有士齋集

潘景升云孺人詩文端嚴典雅惜幼之所

習長之所從皆在苜蓿齋中未免涉寒酸氣

詩話士齋女嫁費文憲公其詩甚庸都無林下風致

中秋有懷

銀漢無聲夜夜清良宵忽感宦游情東山遙望人千里

想亦停杯對月明

潘氏

二首

氏台州人山東副使潘應昌女貢士裘致中之妻自號碧天道人有碧天道人存橐

水亭

園亭當水中兩岸蘆花沒夜久人未眠碧水蕩秋月

秋詞

翻翻黃葉落西風月滿池亭秋夜空黃菊酒香人已醉
白蘋江冷渡飛鴻

茅氏

一首

氏太倉衛人陸震之母

賣宅

壁有蒼苔甑有塵家園一旦屬西鄰傷心畏見門前柳

明日相看是路人

顧玄言云寡婦賣宅之作志尚端嚴

王素娥

一首

素娥號壁齋紹興山陰人歸部吏胡節節死不嫁

渡錢塘

風微月落早潮平江國新晴喜不勝試看小舟輕似葉

載將山色過西陵

顧立言云
思朗致新

陸娟

一首

娟華亭人陸德蘊之女馬龍妻

代父送人還新安

津亭楊柳碧毵人立東風酒半酣萬點落花舟一葉
載將春色到江南

儲氏

一首

氏泰州人大學士權女嫁興化舉人成學

雨後

天桃灼灼倚牕前
春色繽紛帶紫烟
昨夜雨聲來枕上
惜花人醒不曾眠

屈安人

三首

安人華陰人總督漕運右副都御史直之女嫁
參議朝邑韓邦靖封安人有集

詩話安人早慧十齡刺繡聞父訓諸子盡得其解尋令賦詩悉合獲度其詩康德涵序之

登江樓

登高樓兮見西風吹水之潺湲水東去以不回兮客思
歸其何年

送夫入覲

君往燕山去棄妾雒水旁雒水向東流妾魂隨飛揚丈
夫輕離別壯志在四方努力事明主肯為兒女傷君有
雙親老垂白坐高堂晨昏妾定省喜懼君自量珍重復
珍重丁寧須記將既為遠別去飲余手中觴莫辭手中

觴為君整行裝陽關歌欲斷柳條絲更長

述懷

自注是歲弟之燕妹歸
商親在華下余居渭北

浙浙北風起蕭蕭木葉稀
寒花愁更發鴻雁獨南飛
秋入高山裏天長渭水西
思歸歸未得悵望淚沾衣

馬間卿一首

間卿字芷居上元人少卿陳沂繼室封安人有
芷居集

苦雨

終日雨翻盆愁人欲斷魂
嶺雲生屋角野水沒籬根
楊葉藏深徑梨花靜掩門
聲聲偏入耳寂寞自朝昏

黃安人 二首

安人遂寧人黃簡肅珂之女修撰楊慎之繼室

封安人

王元美云夫人寄外之作用修答和皆不及也 陳卧子云其調雖別自是成

章

高寓公云夫人是詩才情殊勝特撫韻重

陽字首句不如以湘字易之郎士元送李教詩

云莫信潮湘書不到年年

秋雁過巴東亦有本也

詩話美人娟娟隔秋水杜子美句也其雨怨朝陽阮嗣宗句也黃魯直寄蘇和仲詩用之曰美

人美人陽秋水其雨其雨怨朝陽楊夫人復用
魯直語寄用修正陸平原所云襲故彌新者

寄夫

雁飛曾不到衡陽錦字何由寄永昌
三春花柳妾薄命六詔風烟君斷腸
曰歸曰歸愁歲暮其雨其雨怨朝陽
相憐空有刀環約何日金雞下夜郎

方維儀云不織
不庸格老氣逸

寄升菴

懶把音書寄日邊
別離經歲又經年
郎君自是無歸計
何處青山不杜鵑

李玉英 一首

玉英錦衣衛人

詩話正德中錦衣衛千戶順天李雄西征陣沒
遺孤五人子二曰承祖曰亞奴女三曰桂英曰
玉英曰桃英諸子皆前妻所產惟亞奴後妻焦
氏生焦欲圖親兒繼襲雄死令承祖往戰場尋
父骸骨覲其陷于非命而承祖竟抱骨以歸焦
乃鵠死承祖支解而埋之又以桂英鬻豪家為
婢玉英頗知典籍年十六伶仃窮迫作送春詩
云云又作別燕詩云新巢泥滿舊巢歌泥滿疎簾
欲掩遲愁對呢喃終一別畫堂依舊主人非焦
指詩詞謂有外通等情婢舅焦榕執送錦衣衛
誣以姦淫不孝擬凌遲嘉靖四年夏差太監雷
錄罪囚凡有事枉人冤許行陳奏于是玉英具

本託其妹桃英齋奏訟寃疏畧云臣年十二遇
皇上嗣位適選才人府尹以臣應選禮部憫臣
孤弱未諳侍御發臣寧家臣年十六伶仃無倚
是以濫形吟詠感諸身心寄諸筆札蓋有不得
已而為言者奈何母恩雖廣勿察臣衷但玩詩
詞以為外通拿送錦衣衛本官誣臣姦淫不孝
擬劓罪臣在獄日久有欺臣孤弱而興不良之
心者臣撫膺大慟獄中莫不驚惶臣素不才鄙
里何無糾舉乃以數句之詩尋風捉影陷臣死
罪臣之死固無憾十歲之弟毒藥鵠死肢解埋
棄果何罪乎臣母之罪臣不敢言凱風有詩臣
當自責陛下俯察臣情將臣詩句付有司委勘
有無淫姦實情推詳臣母之心盡在不言之表
則臣亡父母之靈亦可慰于地下矣有旨命三
法司會勘焦氏論斬王英著錦衣衛選良才作
配馬按王英二詩本無闕涉而緹師乃坐以極

刑由是推之寃
獄難以悉數矣

送春

柴門寂寂鎖殘春
滿地榆錢不療貧
雲鬢霞裳伴泥土
野花何似一愁人

端淑卿一首

淑卿當塗人教諭端廷弼女儒官芮儒之妻有

綠牕詩彙

章元禮云淑卿詩旨
醇而節和泚泚有致

隋柳

煬帝宮中柳凋零幾度秋蟬聲悲故國鶯語怨荒丘行
殿基仍在空江水自流行人休折盡春日更生愁

斗孃一首

斗孃松江女子嫁姚生

詩話斗孃送夫之
詩見沈津吏隱錄

送夫

遠逐風塵路遺書滿目愁思君不成寐河畔看牽牛

沈潤

卿云語
意清雅

毛鉦龍 一首

鉦龍麻城人雲南按察僉事鳳韶之女嫁少保
劉天和孫守蒙夫死誓不踰閭鄉人稱曰文貞

夫人

詩話節婦奉姑棲居不廢吟咏年七十九目無
見猶使甥輩讀之句如桃花暮雨烟中閣燕子
春風月下樓詩句怕題新節序淚痕多染舊衣裳讀之哀動頑豔

鏡

樣出秦宮製團團寶月迴虛空開物象心迹遠塵埃影

覆香羅帕光生碧玉臺繡囊鴛鳥並珍重嫁時裁

于太夫人劉氏

一首

氏穀城人嫁府同知于玘文定公慎行母也

故城

暮雲深鎖故城春綠樹蒼烟舊白蘋昔日高樓雙燕子
定巢無處往來頻

楊文儷

三首

文儷仁和人工部員外應擢女餘姚孫陞繼室

封夫人詩附見家集

詩話孫文恪初娶于韓後娶于楊諸子登進士
榜者四人太保吏部尚書清簡公璣文中禮部
尚書鈇文和太僕卿錄文秉兵部尚書鑑文融
皆楊夫人教之示文融詩云何待三遷教傳經
有父兄益謙辭也夫人精帖括斷決不爽相傳
文融會試後錄其文呈母夫人笑曰淡墨雖書
第一未免齧筆似魚非文之絕品
也或言夫人有髻年過百齡云

秋日懷親

玉露沾花濕金風入幕涼
天連秋水碧山帶晚烟蒼
撫景嗟時序懷親憶故鄉
倚闌凝佇久心逐雁南翔

采蓮女

邪溪采蓮女日出蕩輕橈慣識溪中路歌聲入畫橋

聞徵瓦氏兵至

傳聞瓦氏勇超羣萬里徵來淨寇氛多少材官屯海畔
策勲翻仗女將軍

顧氏一首

氏崑山人顧茂儉之妹皇甫子循之甥嫁孫僉

事為婦

何元朗云春日一詩
可置玉臺新咏中

春日

春雨過春城春庭草生春閨動春思春樹滿春鶯

鄧氏一首

氏眉山人訓導先健女適敘州戶部郎金寬

寄外

鎮日多愁屢廢餐閉門獨坐遣應難庭前別我春猶在
月下懷君春又殘萬點落花誰著眼一聲飛雁獨凭闌
夢回湘簾無消息更啓前書仔細看

王虞鳳 一首

虞鳳字儀卿候官人有罷繡吟年十七卒

春閨

濃陰柳色罩牕紗
風送鑪烟一縷斜
庭草黃昏隨意綠
子規啼上木蘭花

姜氏 一首

氏新建人廣西右布政使忻嘉靖乙丑進士女孫也嫁

諸生丁立祺

寄文學山居

何必入山深，居然似漢陰。
雨殘雲在竹，野曠日平林。
負郭多幽事，為農長道心。
芸牕開卷罷，多是聽鳴琴。

桑貞白 二首

貞白號月牕，嘉興人。處士周履靖繼室有香奩。

詩草

詩話周逸之處士作詩不暇持擇宜其閨人亦然。然紙閣蘆簾倡予和女偕隱太平之時亦樂。

事已

寄遠

日暮登樓強自歌
陌頭楊柳望中多
思君書劍天涯客
三月春光有幾何

春日即事

雨晴春暖百花香
戲蝶游蜂各自忙
也擬東郊踏青去
門前流水又斜陽

董少玉 二首

少玉麻城周弘禴繼室有集

戚雲雁云少玉詩
居然唐調 王元

美云少玉詩清潤婉秀往往發於情而止於義
有不盡為閨閣所束者方維儀云夫人詩詞

均有韻致

憶別

二首

憶別河橋柳青青送馬蹄妾心與羌笛無日不遼西
驛路花將發離亭柳漫垂凭闌無一事日日數歸期

屠瑤瑟

一首

瑤瑟字湘靈鄞人禮部隆女年二十而夭

子夜歌

子夜夜轉長簾前月華吐只解歌調工誰識歌心苦

沈七襄 一首

七襄宣城人修撰懋學女嫁屠隆子

自君之出矣

自君之出矣孤月鑒虛牖思君如飛花隨風不回首

袁彤芳 一首

彤芳字履貞吳縣人參政年女自稱廣寒仙客

九日

玉露泣秋草金風凋晚葉白衣三徑少黃菊一籬疎病
減登高興愁無寄遠書遙知二三子相向正愁余

王鳳嫻

一首

鳳嫻松江華亭人解元獻吉之姊知宜春縣張

本嘉

萬曆乙未進士

之妻有焚餘草

空閨

壁網蛛絲鏡網塵花鈿委地不知春傷心怕見呢喃燕
猶向雕梁覓主人

陸卿子 五首

卿子長洲人尚寶卿師道之女處士趙宦光之妻夫婦偕隱寒山有雲卧閣考槃玄芝諸集

相逢行

白馬驕青雲金鞭拂紅霧相逢不問名各自東西路

擬陶

閒居寡世用性本忘華簪淥水盈方塘清風來茂林弱魴戲連漪野鳥鳴好音日夕時雨來白雲瀾高岑庭草

滌餘滋原野藹飛霖開顏散遙念濁酒聊自斟

陳卧子云不促

薄

擬李白古風

重陰翳白日陽和轉淒薄霰雪何紛揉草木盡零落長
風終夜厲棲鳥將焉託游子敕貂裘居人羨藜藿所以
商山翁高舉往巖壑

贈毗陵安美人

去年花發毗陵道美人何處拾瑤草今年草綠姑蘇臺

美人此時花下來風吹羅袂香不定流波蕩漾光徘徊
不逐行雲作飛雨夢裏鉛華學神女坐久烟霞拂袂生
回眸愁向空中舉水遠山長不見君空聞樹上黃鸝語

山居即事

披榛越宿莽背郭隱花蹊月靜妖狐泣松深怪鳥啼秋
山雲照戶春澗水穿堤飛作千尋瀑家家引灌畦

徐

媛

一首

媛字小淑長洲人范副使允臨之妻有絡緯吟

桃園客云小淑詩文與陸卿子齊
名然徐以綺麗勝才情稍遜于陸

別曹孃

木落西風萬壑幽
忍將離思為君留
碧雞關外淒涼月
偏照蠻雲夜夜秋

文氏一首

氏邠州三水人
長沙通判在中之女
嫁葛氏早寡
守節力學有君子亭集

詩話節婦為光祿太青之姊
寡居作九騷以見志
九騷者一曰感往昔二曰懷湘江三曰望洛

陽四曰夫柏舟五曰愀離悼六曰傷落花七曰
臨雲歎八曰待月愁九曰撫玉鏡其辭有云觀
扶光之如箭兮哀歲月其難追拾朱英而太息
兮時不再來悲朱顏其易改兮唯寸心之不衰
辭義俱雅有
古人之則

悼懷

青青山上松年華不可考灼灼園中花顏色不常好五
月鳴蜩至八月蝴蝶老感物有盛衰豈忍歸腐草

薄少君 一首

少君太倉州人秀才沈承妻

哭夫

水次鱗居接葦蕭賣魚爭米晚來囂河梁日落行人少
猶望君歸過板橋

姚氏一首

氏嘉興人自號青城居士秀水范應宮之妻有
玉鴛閣遺稿

詩話青城居士詩屠緯真賞其清華流利陳仲
醇尤稱之謂肝腸如雪能吟柳絮之詞志節凌
霜直擬木蘭之操筆牀茶竈不巾櫛閉戶潛夫
寶軸牙籤少鬢髯下唯董子及其卒橐砧哭之

慟刊其遺詩及已哀悼
侶隨之作傳之鄉里焉

竹枝詞

卓女家臨錦水濱
酒旗斜挂樹頭新
當壚不獨燒春美
便汲寒漿也醉人


范壺貞

一首

壺貞字淑英一字蓉裳
吳縣人嫁吳氏有胡繩
集

烟雨樓圖

烟嵐無限雨中情
遠近樓臺一望平
吳苑草荒麋鹿走
越江春盡鷓鴣鳴
長堤柳樹迷春渚
白水菰茭繞郡城
最是晚來新月下
萬家燈火隔湖明



明詩綜卷八十四

欽定四庫全書

集部

明詩綜卷八十五至
七

詳校官中書臣涂日煥

主事銜臣徐以坤覆勘

總校官降調編修臣倉聖脉

校對官庶吉士臣潘曾起

謄錄監生臣楊恪

欽定四庫全書

明詩綜卷八十五

翰林院檢討朱彝尊編

黃幼藻 一首

幼藻字漢薦莆田人蘇州府通判議之女林儀

部啓昌之婦有柳絮編

姚園客云幼藻麗才雅藻何減玉臺年未四十

而卒臨終猶誦殘燈無缺影憧憧之句可悲也

題明妃出塞圖

天外邊風掩面沙舉頭何處是中華
早知身被丹青誤但嫁巫山百姓家

梅生一首

生姓梅氏麻城士子周世遴伯玉妻

詩話生有逸才兼工古文辭南昌王于一向予
稱之其夫周伯玉赴試省闈生賦落葉小詩寄
之伯玉省詩悽愴不入鎖院而返足以見伉儷
之重矣傳聞生有外行未免蘭形棘心曾填小
曲寄情人云假若是淚珠兒穿得起拚剪下一
股青絲穿一穿寄把你于一謂古之喻淚者曰
沱若曰漣如曰流泉曰垂露曰連絲曰玉箸曰
綆縻曰鉛水曰日南珠未有道及此者于一好

刺談談必傾座斯言稍過綏
不能穿淚珠本香山句爾

寄外

落葉滿庭階秋風吹復起遙憶別離人寂寞何堪此

馬氏一首

氏虎關將家婦有香魂集

詩話甫田宋比玉得馬氏詩集于荒邨老屋中
見芳草無言路不明之句為之擊節錄而傳之

秋閨夢戍詩

夫重封侯愛妾輕漫歌珀枕戀寒更夢回遠戍相尋處

芳草無言路不明

沈紉蘭

一首

紉蘭字閒靚嘉興人參政黃承昊妻有效顰集

秣陵道中風雨

別盡寒燈風動幃長途況是客單衣無端燕子磯頭雨
一舫隨人到處飛

吳令則

一首

令則桐城人諭德應賓長女嫁生員何應瓊玉

之

憶玉之

春來草色想河關
遠道繇繇不可攀
翻恨白雲飛去疾
夕陽千里露童山

吳令儀

一首

令儀字棟倩
令則之妹
兵部侍郎方孔炤夫人
夜

新月不來燈自明
江天獨夜夢頻驚
長年自是無歸思

未必風波不可行

方孟式

三首

孟式字如耀桐城人大理卿大鎮之女嫁山東
布政使張秉文濟南城潰同其夫殉節贈一品
夫人有紉蘭閣集

寄任夫人

可怪睽違日相思幾換年故園芳草合南國美人偏
死交難見悲歡意莫宣祇應三五夜明月共君圓

秋興

西風傷往事笑此客中身
葉落蒼烟斷花開黃菊新
天涯蓬鬢短邊徼羽書頻
蟋蟀知秋意階前鳴向人

憶舊

一別江潭月幾圓
相憐人面不如前
依稀舊日尋芳地
秋雨梧桐十二年

方維儀

六首

維儀桐城人亦大理卿大鎮之女適姚孫榮再

期而天遂請大歸守志有清芬閣集

詩話龍眠閨閣多才方吳二門稱盛夫人有才尤傑出其詩一洗鉛華歸于質直以文史當織絳尚論古今女士之作編為宮閨詩史分正邪二集主于昭明彤管刊落淫哇覽者尚其志焉集中句若白日不相照何況他人心高樓秋雨時事興疇皆何其辭之近乎孟貞曜也

死別離

昔聞生別離不言死別離無論生與死我獨身當之北風吹枯桑日夜為我悲上視滄浪天下無黃口兒人生不如死父母泣相持黃鳥各東西秋草亦參差予生何

所為死亦何所辭白日有如此我心徒自知

傷懷

長年依父母中懷多感傷奄忽髮將變空室獨彷徨此
生何蹇劣事事安可詳十七喪其夫十八孤女殤舊居
在東郭新柳暗河梁蕭條下霜雪臺閣起荒涼人世何
不齊天命何不常孤身當自慰且免摧肝腸鷓鴣栖一
枝故巢安可忘

出塞

辭家萬里戍關路，隔風烟賦重無餘餉。邊荒不種田，小兵知有死。貪吏尚求錢，倚賴君王福。何時唱凱旋。

獨歸故閣思母太恭人

故里何須問干戈，擾不休家貧空作計。賦重轉添愁，遠樹蒼山古。荒田白水秋，蕭條離膝下。欲望淚先流。

旅秋聞寇

蟋蟀吟秋戶，涼風起暮山。衰年逢世亂，故國幾時還。盜賊侵南甸，軍書下北關。生民塗炭盡，積血染刀環。

楚江懷吳妹茂松閣

空林隕葉暮鳥啼雲水迢迢隔皖溪夜發蒼梧寒夢遠
楚天明月照樓西

方維則一首

維則大理卿大鉉之女嫁生員吳紹忠有茂松

閣集

詩話方氏三節一為孟式同夫殉國一為維儀
十七而寡壽八十有四一為維則十六而寡壽
亦八十有四白圭無玷苦
節可貞足以昭諸彤管矣

題竹

小院何空寂相依獨此君
雪深愁易折風急不堪聞
白石移花影青苔擁籀文
樓頭明月上空翠落紛紛

姚淑人一首

淑人上虞姚克俊女餘姚黃尊素配

詩話淑人年十六歸忠端當公入為御史與楊
左魏李諸公早夜相過語及羣小陰謀輒形之
歎息或至泣下賓退淑人進曰公等不能先事
綢繆涕泣何益公既被逮淑人每夜祈死北辰
之下願以身代逆奄就誅賜章服三品教其子
宗義為復社領袖南國諸生顧杲等公許聞黨

既大鍼宗義名居第三大鍼後柄用中旨逮治
淑人喟然曰豈意章妻滂母萃吾一身山陰劉
公宗周常熟瞿公式招皆目之曰女師詠扇之
作託物寓意不審聞西惠元孺輩曾見之否

詠蒲扇

世間物性初無定百鍊剛成繞指柔何似萑蒲經織後
能將九夏變三秋

沈宜脩

二首

宜脩字宛君吳江人山東副使琬之女工部郎
中葉紹袁之妻有鸝吹集

感秋

月向中天迴

一作小

人驚秋暮悲玄霜初落後

一作候

客夢

未歸時縹緲
三秋雁蕭條
兩鬢絲空餘
舊簫管愁對月
明吹

仲春寄表妹張倩倩

湖外青山別路長
沉吟舊事總堪傷
故園明月門前柳
回首春風各斷腸

商景蘭

三首

景蘭字媚生會稽人吏部尚書周祚女祁公彪
佳之配

詩詒祁尚作配鄉里有金童玉女之目伉儷相
重未嘗有妾媵也公懷沙日夫人年僅四十有
二教其二子理孫班孫三女德淵德瓊德莖及
子婦張德蕙朱德馨蔣之樹芍藥之花題詠
幾遍經梅市者望
若十二瑤臺焉

送別黃皆令

徵調起驪歌悲風繞坐發人生百歲中強半苦離別念
君客會稽釜不因人熱茲唱歸去辭珮環攜皎月執觴

指河梁愁腸九回折流雲思故島鼯鼠懷故穴帆檣日以遠山川日以越同調自此分誰當和白雪竚立望滄浪憂來不可絕

關山月

秋月開金鏡浮雲散碧空風吹榆戍北露濕柳城東影滿驚門鵲光沉起塞鴻秦關今夜色應與漢宮同

悼亡

公自垂千古吾猶戀一生君臣原大節兒女亦人情折

檻生前事遺碑死後名存亡雖異路貞白本相成

項蘭貞 一首

蘭貞字孟畹秀水人貢生黃卯錫之妻有裁雲

月露二草

送外赴試

柳陰輕綰木蘭舟杯酒殷勤動別愁此去但看江上月
清光猶照故園樓

顧若璞 一首

若璞字和知錢塘人副使黃汝亨子茂梧之妻
有卧月軒橐

宮詞

垂柳千條拂御墀涼風初到影娥池銀箏玉笛花前奏
不唱班姬團扇辭

張倩倩 一首

倩倩吳江人沈秀才自徵之妻

憶舊

故人別後杳沉沉，獨上高樓水國陰。
鴻雁不傳千里作一作書，恨天涯流落到如今。

沈憲英一首

憲英字惠如，一字蘭友，吳江人。沈自炳長女。

悼宛君姑

樓上春深乳燕來，半簾花影自徘徊。
子規聲裏黃昏月，叫斷東風夢不回。

葉紈紈四首

紉紉字昭齊吳江人葉紹袁之女歸袁氏有芳
雪軒遺藁

暮春赴嶺西道中作

二首

故園別後正春殘陌上鶯花帶淚看何處鄉情最悽切
孤舟日暮泊嚴灘

烟樹重重失故鄉雲山極目恨偏長不知何日是歸日
杜宇聲聲最斷腸

秋日偶題

一番搖落一番嗟咫尺天涯夢裏家
莫道秋來不憔悴
滿庭都是斷腸花

哭妹

牕花寂寂蕊初寒誰向簾前握手看
風景不知人有恨
月明依舊畫闌干

葉小鸞二首

小鸞字瓊章一字瑤期吳江人紹泰季女未嫁
而夭有疎香閣遺集

己巳春哭沈六舅母墓下

十載恩難報重泉哭不聞
年年春草綠腸斷一孤墳

哭姊

雲散遙天鎖碧岑
人間無路月沉沉
可憐寒食梨花夜
依舊春風小院深

祁德淵一首

德淵都御史山陰祁彪佳女嫁姜廷梧桐音

送黃皆令

西風江上雁初鳴
水落寒塘一擢輕
遶徑黃花歸故里
滿堤紅葉送秋聲
片帆南浦離愁結
古道河梁別思生
此去長塗霜露肅
何時雙鯉報柴荆

張德蕙

一首

德蕙字楚纓
山陰人
諭德元忭之孫
嫁祁公子
理孫奕慶

中秋

秋氣中天淨
愁人獨夜看
停橈江愈濶
却扇月初寒
霜

入桐陰薄風飄桂影殘扣舷情未已露濕綺羅單

朱德蓉

二首

德蓉字趙璧山陰人太師燮元之孫嫁祁公子

班孫奕喜

送黃皆令

青青楊柳枝飄搖大道旁大道多悲風游子瞻故鄉執
杯送行客淚行沾衣裳憶昔弭遠櫂明月浮景光壺觴
極勝引歌舞開華堂好鳥得其侶舉翼齊翱翔膠漆兩

不解金石安可方分袂起倉卒永夜生盡傷吳山何渺
渺越水亦茫茫芙蓉被秋渚米米有餘芳願言贈所思
曰歸紉為裳

上已

桃花新水浣春衣舊日蘭亭到亦稀斷岸羽觴晴日暖
遠山橫笛暮雲飛沙棠舟近江鷗起玳瑁梁空海燕歸
尚有采繁思未定不堪月色上羅幃

黃脩娟 一首

脩娟字媚清仁和人參議汝亨女

邨居即事

寂寂邨居晚迢迢旅雁稀
煙花迷曲徑山月澹清輝
黃菊經霜淨秋萼帶雨肥
夜深寒漏徹漁火逐星歸

項

珮 二首

珮字吹聆秀水人處士吳統持之室有藕花樓
詩彙

詩話吳處士巨手有大宅在北郭之秋涇得吹
聆為嘉耦琴瑟靜好詩篇酬和甚樂也遭亂家

破轉徙無定跡棟宇不飽然未嘗聞交謫之言
所題卽齊卽秋涇故居取方廣胸前字以為曲
闌卿人題詠者紛紛惟吹聆詩俱從梵夾中出
極其熨貼或疑卽字韻書不收然三點成卽猶
有想卽卽伊字苑
舍人咸詩可據也

夫子書屋落成闌干皆用卽字遂名曰卽齋屬

賦四十字

夫子愛奇字迴闌繚繞之一時齊作卽三點不成卽樹
色春浮並齋居繡佛宜定知人載酒送喜有芻尼

社日

過雨春泥白斜飛燕尾纖恰停鍼綫坐自起為鈎簾

翁

桓

一首

桓字少君錢塘人處士胡介妻

重過西湖

風風雨雨鳥空啼草綠山腰水滿隄畫閣已傾歌舞散
十年重到六橋西

姚媯俞

一首

媯俞字靈脩長洲人嫁嘉定侯演有再生餘事

冬日

坐擁烏皮倚隱囊，且翻楚夾靜焚香。
淒淒庭院悲風急，漠漠江天朔雁翔。
一段旅懷還磊落，百年心事付蒼茫。
登樓望遠迷鄉樹，又見寒鴉送夕陽。

章有渭

二首

有渭字玉璫，華亭人。嫁嘉定侯泓，有燕喜樓草舟行即事。

曉霧迷離彩鷁輕，擢歌徐動見新晴。
臨湍鷺子亭亭立，

夾岸蒲花漫漫生
遙指小山遮塔影
忽經深樹出鐘聲
晚涼不覺羅衣薄
自愛澄湖片月明

春感

舞蝶莊生夢啼鵑
蜀帝魂紫芝逢勝友
芳草想王孫
小閣聞雞唱閒庭
聽鳥喧曉烟迷麥隴
春霧鎖柴門
魚戲青萍動風吹碧葉翻
綵毫題玉柱綠蟻引金尊
乍摘歲莖草長依翡翠軒
避秦無絕境何必問花源

盛韞貞

四首

韞貞字靜維華亭人

邨居雜感

三首

自我來茲地重門曉夜扃蕭條門外柳幾度向人青采
薇懷商土占時望歲星但能安病骨不必問池亭

烽火吳關遠烟花谷水明孤墳應宿草白髮隔重城遺
行書難就玄言較未成愁心託幽夢茲夕倍縱橫

蓬徑無人迹春厨斷暮烟稻梁謀自拙僕隸義相捐薄
俗終難入幽棲性自便尺書兼斗粟慙媿主人賢

寄兄

一自雙親盡鄉園不忍旋七年三見面稚子漸齊肩夢
斷燕山月春歸海樹烟書來能念我三復鵲鷦篇

姚淑一首

淑字仲淑金陵人庶吉士達州李長祥納為繼
室有鍾山秀才海棠居集

寄研齋太史

年年歎離別此別何時休樓頭望不見從今不上樓無

錢買鯉魚君書何處求

倪仁吉

二首

仁吉字心惠浦江人進士仁楨之女

宮意圖

調入蒼梧斑竹枝
瀟湘渺渺水雲思
聽來記得華清夜
疎雨銀缸獨坐時

彈琴

梨花小院午風輕
謾理冰絲入太清
一片梧桐心未死

至今猶發斷腸聲

錢敬淑

一首

敬淑字師令江寧人文學談允謙之妻

泊浦子口

殘年孤櫂泊近浦
驗歸程雪圃芹牙白
江鰲竹葉清夕陽
新別路衰草古離情
隔岸寒山色含悽望舊京

湯文玉

一首

文玉

原闕

司吾春游詩

山雨初晴洗佛螺春風處處揭青莎采香不倦溪邊路
多少飛紅趁鞦羅

周淑禧一首

淑禧江陰人周榮公第三女

詩話至元斥賣廣濟庫故書有采畫本草一部
近吳中趙凡夫子婦文俶端容設色畫本草曲
臻其妙江陰周榮公二女淑祐淑禧臨之亦成
絕品淑禧寫大士象一十六幅陳仲醇謂其十
指放光直造盧楞伽吳道子筆墨之外今文俶
真蹟尚有存者周氏姊妹花草見者罕矣又石

城女子李佗那善畫
水仙則余亦未之見

杜康廟

酺有新槽醖有醕杜康橋上客題詩最憐苦相身為女
千載曾無儀狄祠

詩詒海內國經罕載杜康祠宇獨三吳有之相
傳康有遺冢在江陰縣城南土人因于橋下建
祠以劉伶配之季給事科草募疏云詩傳雅詠
先歌既醉之章書有詒詞特謹德將之訓溯麴
蘖流傳既遠而古今風味攸同酒星在天醴泉
出地舟中之斛三百市上之價十千爰有飲中
八仙竹林七子或沉或湎孰聖孰賢緬懷作醴
之功豈止忘憂之具今杜氏之遺橋尚在而劉

家之故卷猶存閱歲久而年深為風侵而雨剝
茲欲樹豐碑之七尺翦棘誅茅建祠屋之三楹
崇基疊石碑千載相傳為勝事賴一時共濟以
落成文頗流利然不若淑禧一絕之新警也

紀映淮

二首

映淮字阿男金陵人嫁莒州杜氏早寡守節終

絕句

杏花一孤邨流水數間屋夕陽不見人牯牛麥中宿

秦淮柳枝

栖鴉流水點秋光愛此蕭疎樹幾行不與行人綰離別

賦成謝女雪飛香

謝五孃 二首

五孃萬厯中湖州女子有讀月居詩

小園即事

翠竹青梧手自栽芙蓉未秀菊先開
小軒睡起日卓午黃葉滿庭山雨來

感懷

四面簾垂碧玉鉤重重深院鎖春愁
天涯行客無歸信

花落東風嬾下樓

曹壽奴

三首

壽奴小字山姑崇禎間吳興女子有觀靜齋橐

詩話壽奴詩頗有林下風致
贈姊一篇其源出於楊方

贈伯姊

草有並蒂花木有連理枝果有合歡核豆有同根萁魚
或比日游鳥亦比翼隨同功繭作絲合卷玉為卮我與
子姊妹願得不相離出必同車輪居必聯屋楣見月每

共拜弄珠定雙喜子妝我掠鬢子盥我捧匣我衣擣子
砧子濯汙我私機張我續織鏡聽子兼持子褰我衾裯
我舖子粥糜寒輒擁子背暑還扇我肌子女迭相抱帷
帳恒並施生從比肩人沒以百歲期

夫君北行以菩提數珠留贈

百八菩提子紅絲貫小纓無眠他夜月留記遠鐘聲

寄外

去作西湖十日期經年猶滯謝公池別來夜夜雙行淚

只有珊瑚舊枕知

李

因

一首

因字是菴會稽人

一云杭州人

光祿卿葛徵奇之妾

有竹笑軒吟草續豪

詩話是菴善畫花竹之天斜禽鳥之跳躑具有生動之趣刻沉香為像以奉白陽山人詩其餘

事爾然無

鉛粉之飾

郊居用松陵集韻

避世牆東住牽船岸上居
雨分三徑竹晴曝一牀書
上

坂驅黃犢臨淵網白魚衡門榛草遍長者莫停車

黃媛貞 四首

媛貞字皆德秀水人先世父貴陽守副室有卧

雲齋詩集

俞右吉云亡友黃鼎平立二妹一字皆德一字皆令均有才名皆德為貴

陽朱太守房老深自韜晦世徒盛傳皆令之詩
畫然皆令青綾步障時時載筆朱門微嫌近風
塵之色不若皆德
之冰雪淨聰明也

丁卯冬十二月留別妹皆令

北風淒以栗不忍吹羅襟高雲語征鳥離思兩難沉今

我遠庭幃與子分芳衾寧忘攜手好所以傷我心一言
一回顧別淚垂不禁但得頻寄書毋使相望深

聽雨

長夜一燈地獨愁誰與言牕前幾點雨井上芭蕉翻

山邨

春山春水碧依依草屋風輕燕子飛行到半坡亭小住
野雲何事亦來歸

貴陽廨中

天涯二月早芳菲
官舍何曾遠翠微
如此溪山堪累月
杜鵑猶道不如歸

陸氏

一首

氏華亭夏考功允彝侍妾

追悼

錦瑟蒼涼憶舊蹤
芳年行樂太匆匆
濃香簾幕圖書靜
明月樓臺笑語通
人並玉壺丘壑裏
才分米筆黛螺中
祇餘華表魂歸去
夜夜星辰夜夜風

徐簡簡

三首

簡簡字文漪嘉興人休寧吳璵小妻有珮蘭閣

草夢居集

詩話文漪緣情有餘風
格未老然亦閨中之秀

宮詞

二首

沉香亭子玉勾闌遍植名花按月看第一莫栽紅芍藥
此花開日定春殘

庭院沉沉盡日扃自將書法學蘭亭中官領得芙蓉粉

催入長春寫御屏

寄懷

夾岸垂楊卷落花
春風咫尺是天涯
重門深鎖樓中燕
獨有王孫不在家

江城一首

娥宗室來鯤侍兒年十三能詩

戊戌除日守歲和王孫作

仙茆筆秃硯成冰
守歲無聊寢復興
柏葉酒香瓶已罄

小牕留得隔年燈

朱大韶婢一首

題壁

無端割愛出深閨猶勝前人換馬時他日相逢莫惆悵
春風吹盡道旁枝

詩話華亭朱吉士大韶嘉靖丁未進士性好藏書尤愛宋時鏤板訪得吳門舊姓有宋槧宏後漢紀係陸放翁劉須溪謝疊山三君手評飾以古錦玉籤遂以一美婢易之益非此不能得也婢臨行時題詩於壁吉士見詩惋惜未幾捐館予聞之李高士廷昱云

明詩綜卷八十五